

天一閣藏明代方志選刊

天一閣藏明代方志選刊

天長縣志



天長縣志叙

先王經世議制天下有圖掌於職方邦國
有志掌於小史四方有志掌於外史摠之
綱迹闡乎政教匪徒為文具也天長有志
舊矣時淹跡改遺謬類多邵侯水南來今

茲土明作政大有志興革乃用禪厥師取
舊志觀之曰天長

帝鄉名邑志而弗究何以徵乎上其事於
皆與相岡胡公太守蒲石李公皆可焉除
館並日延儒萃能夙夜事、無何志成馳

帙致臣屬一言弁諸其首臣曰志也者識
也識也者記也所以記其實也上昭天道
下著地理中脩人事而三才之變驗於是
矣志豈易作者哉是故採摭之未廣或失
則缺所舍之無權或失則煩意見之太執

或失則偏歆其窮俯仰遠古今定是非公
予奪而垂信一代不可得也志豈易作者
哉別駕王君後隅以明經舉進士宗主其
任而諸庠老積學有年又輔翼之相與協
力剛氣志也詳而悉簡而覈正而弗私隸

星躔之次屬稽氣化之灾祥會精盡變而
天通昭於上矣溯山川之閱歷辨原隰之
生成會形盡亘而地理著於下矣考營繕
之廢興列行寔之優劣表輸役之輕重示
好尚之臧否會情盡制而人事備於中矣

吾賢士大夫得之可以永觀省閭閻里巷
得之可以嚴勸戒物人女子得之可以激
節義而後之欲因風以知德陳圖以察隱
者亦於是乎資焉則茲志也豈徒為文具
者哉為帙四為卷七壽椿如左督學諱植

豫章人太守諱愈平定州人侯諱時敏餘

姚人別駕諱心與臣本縣人諸庠彦載在

別駕之自叙不贅也

賜進士第中順大夫知真定府事前監察

御史唐臣譔

重脩天長縣志序

地理之書昉於九丘至周有小史外
史掌邦國四方之志下及列國皆有
史官以記時事所以待王稽古辨方
以知地俗厥立良矣秦氏郡縣天下
其官始廢矣始微可悼已

明興有一統志而府州縣各有志
其成周之遺乎天長古揚州城漢名
廣陵隋名永福唐初改千秋後更云
長今未之易也雖疆理並齒中邑而
寔當江淮要衝在昔戰爭必經之地
以故典章文物殘落莫稽百餘年來

未有任紀載之責者豈非邑之大廟
與歟嘉靖戊申姚江邵侯蒞縣之二
年觀風采言知邑志闕歆備之廼狀
上之督學胡公公曰可郡守李公亦
曰可遂筮日謝館以編輯之責屬之
鄉大夫王君惟一君為旁考博詢裁

成義類而侯每政暇必親參訂焉揭
至綱曰地輿曰人事而目附至下自
疆域以迄災祥凡七卷而變遷之政
風氣之宜沿革之故聖耗之由勸懲
之具纖悉舉之矣書成侯乃命工升
之梓且不鄙懇予叙予惟志之繫於

治不小也顧簿書期會事吏治者恒
亟亟焉而舉墜葺廢稽古考文則率
以為迂緩而不暇俟之善政異績得
於耳目者熟矣觀是不又見復古之
政知務之學耶嗣是吏於土者能寓
覽而自得之以星野有常易簡見矣

流峙隨化動靜具矣鼓舞盡利康阜
基矣變通趨時道德一矣幽以禮神
微以盡物邇以脩職遠以尚友則仕
有定守治有常師而化流海隅皆有
待焉者固侯之志而作去之徵也予
不揣僭述于篇俾繼治者知所攷云

賜進士出身知閩縣事鳳巖嚴戴鵬頓首書

皇明天長志卷之一

邑人王心惟一編輯

知天長事餘姚邵時敏伯來刊正

地輿志

疆域

沿革

附沿革世表
縣治學宮縣城縣境圖

山川

星野

聖王比合天下之道建國親侯後世易之以郡縣各
因乎時爾

輿地無方山河有戒建官分理其勢則然然則疆域